

青神縣志卷之六

山川志

熊耳山在縣北關外數丈蜀志望帝以褒斜爲前門熊耳靈關爲後戶卽此

中巖山縣東南十八里山之上巖有三石筍鼎峙高標宋蘇東坡嘗讀書於此巖東北有垂拱寺下常有龍聽僧講經宋范鎮詩巖雨晴猶滑溪泉直後紆傾崖日眩轉亂石步崎嶇又有古詩石筍當空不計年牛頭當日事猶傳巨那一段眞消息留與中巖作福田宋馮時行詩古院無人僧作佛碧潭

青神縣志

卷之六山川

廿九

有水魚化龍當年巨那小遊戲一石擊碎成三峯巨那卽開石筍之異僧也詳見古蹟

中巖去上巖三里許卽巨那尊者道場下有喚魚池客至撫掌魚卽出游宋陸游詩春枕悠然夢何許兩枝筍竹喚魚潭巖上有喚魚池三大字蘇東坡親筆又有羅漢洞巖上有羅漢又有牛頭竅巖上有牛頭一竅四字人望巖上必翹首此竅通川府盖巨那往年遺蹟明有赫察院來遊詢僧曰聞此竅通潼川府女試之乎對曰通聖不通凡院聞對異之時有鳥名山和尚者適在林中喧噪院召僧命對云林中鬧嚷山

和尚僧謝罪對云樹上尋蟲啄木官院不悅至香爐前復召僧命對云石獅子頭頂石香爐這畜生何日解脫僧對曰泥判官手拿泥素簿望大王筆下超生院始大悅賞僧去有詩載藝文

下巖去中巖四里許有水月樓翼然江上遊者多登臨眺覽飲酒賦詩最可愛者天空水底月印波心翠竹穿溪流泉响石誠邑中佳景也

小中巖由上巖經書樓下嶺有小中巖寺前石佛額有虎橋二字景最幽雅遊人多至今廢

青神縣志

卷之六山川

三十

羊棧山縣西十八里許相傳蜀王使人牧羊於此今棧牆猶有存者

金銀凸縣東南十八里三巖山後相傳巨那尊者曾到造磁器處云我在四川青神縣三巖山來要化磁器碗一窑窑者不許巨那遂由火門竄入窑中衆駭不敢言後出窑只有巨那一磁像餘無所有乃送像於中巖夜夢巨那曰承爾送來無以爲贈某山某凸有金銀若干以報尋至果得金銀因名

金銀凸

兩乳山縣東南三十里形如兩乳故名

鵝背山縣西四十里形如鵝背因名

石佛巖縣北十里巖上多石佛

白虎巖縣南白塔寺左右巖峭踞如虎望之森然

佛子巖縣西十五里巖上有觀音大士像下臨清泉

大青山縣東北十五里蜿蜒蒼翠望之蔚然深秀

北界山縣北二十五里李膺益州記昔南安武陽二縣於此
山分界今名鴻化山

走馬嶺縣東南四十里蔚然深秀曲折蜿蜒時有瑞氣騰空
五渡山山下繞流屈曲渡處凡五故名

青神縣志

卷之六山川

三十一

多陵山縣西四十里

慈母巖縣東五里許下臨青衣水

大江卽岷江在縣北自眉州流八縣境遶東門而南下合思
濛金牛二河流入嘉定府界

青衣水縣南二十里中巖之下卽慈母巖處一名平羌水宋
蘇轍詩想見青衣江畔路白魚紫筍不論錢

松栢灘在縣東南二十里江水中多覆舟之患宋天禧中邑
令張逸禱江神不踰月灘下徙五里今名啞漣灘灘底有石
梁上有石塊挺立冬來水淺尙有磕損之虞水漲則中流自

在矣乾隆二十九年知縣王承熾捐俸修鑿上水漕口直長四十六丈深四尺寬二丈八尺巖巉石塊鏟削盡平往來行舟均稱利便

館驛河縣東七里許自東北來入於江

魚蛇水縣東北十二里源出仁壽縣界至縣境入江以水中
有魚形似蛇因名

思濛河縣西南六里發源丹稜縣南入於江金牛遺考

洪雅灘在縣南山石突出水勢湍急舟行至此多磕損之虞
乾隆二十八年知縣王承熾捐俸修鑿大石五塊盡皆鏟削

舟行無碍

芙蓉溪在縣東南兩岸多芙蓉故名

龍噉溪縣東南二里

月山沱縣西四十里山圍如月下臨深沱在鵝背山前故余
子俊長泉八景詩云上有鵝背月山沱卽此也

慈母溪卽青衣水處巖上有慈母俗呼爲慈母娘有石刻李
壁詩洗盡一春歌酒塵蒼江吹破碧粼粼韶華過眼都如夢
只有三峯是故人

百家池縣東十里周圍百尺灌溉田百家故名

太公池在縣南池旁石鑄姜太公像

流杯池在中巖黃庭堅有銘

啞漣灘乾隆三年奉文設救生板頭船一隻至九年改造大
五板頭船一隻費工價銀一十八兩一錢四分額設水手六
名每名月給工食銀六錢只支春冬二季每歲共支銀二十
一兩六錢遇閏每名加增銀六錢